



ACORDO DE COLABORACIÓN ENTRE O SERVIZO GALEGO DE SAÚDE E A ASOCIACIÓN GALLEGA DE TRASPLANTADOS DE MÉDULA ÓSEA PARA REALIZAR ACTIVIDADES DE APOIO ÁS PERSOAS QUE PADECEN UN PROCESO ONCOLÓXICO NO ÁMBITO DA XERENCIA DE XESTIÓN INTEGRADA DE FERROL

MEMORIA XUSTIFICATIVA

O xerente do Servizo Galego de Saúde, **DECLARA:**

Que o Servizo Galego de Saúde formalizou o día 05.09.2019 coa asociación “Asociación Gallega de Trasplantados de Médula Ósea (en diante ASOTRAME)” o instrumento convencional arriba referido que entrou en vigor o día da súa sinatura. O antedito acordo ten unha vixencia dun ano, podendo prorrogarse por mutuo acordo das partes por períodos anuais, sen que en ningún momento a vixencia poda superar o límite de oito anos establecido no artigo 49 da Lei 40/2015, do 1 de outubro, de réxime xurídico do sector público.

Que o instrumento convencional ten por obxecto regular a colaboración entre o Servizo Galego de Saúde e a asociación ASOTRAME coa finalidade de desenvolver, no ámbito da Xerencia de Xestión integrada de Ferrol, actividades de apoio ás persoas transplantadas de medula ósea ou inmersas nun proceso de cancro hematolóxico ou outros tumores e ás súas familias.

Que o instrumento convencional que se pretende asinar se fundamenta no seguinte:

O Servizo Galego de Saúde ten atribuídas as competencias precisas para o desenvolvemento de todas as áreas que configuran o concepto integral de saúde, xestionando a sanidade en todas as súas facetas, de conformidade co previsto no Título VI da Lei 8/2008, do 10 de xullo, de saúde de Galicia.

En virtude do Decreto 168/2010, do 7 de outubro, créanse as estruturas organizativas de xestión integrada do Servizo Galego de Saúde (DOG nº 199, do 05.10.2010), establecendo as áreas de xestión integrada como instrumento de organización no ámbito periférico do Servizo Galego de Saúde, asumindo a xestión funcional dos recursos, as prestacións e os programas de atención sanitaria, sociosanitaria e de promoción e protección á saúde na zona de influencia. Desenvolvendo o dito decreto ditouse a Orde do 28 de setembro de 2011 (DOG nº 188, do 30.09.2011), pola que se establece a estrutura organizativa de xestión integrada de Ferrol.

Dentro do área de referencia de Ferrol, o Complexo Hospitalario Universitario de Ferrol recibe familias para procedementos que implican unha longa estadia hospitalaria e en ocasións, a necesidade de permanecer desprazadas a importante distancia do seu domicilio.

Acompañar a un familiar aqueixado por unha enfermidade grave que implique un longo período de hospitalización, cando ademais non se dispón de domicilio nin apoio familiar na cidade na que está ingresado, pode supoñer un esforzo tanto vital como económico moi complicado de asumir.

Na Xerencia de Xestión Integrada de Ferrol, a información e asesoramento sobre recursos





sociosanitarios a realiza o Servizo de Traballo Social. As asociacións de pacientes teñen un papel destacado ao longo de todo o proceso asistencial, que pode complementar os esforzos realizados polos servizos clínicos.

A Asociación ASOTRAME está orientada á mellora da calidade de vida das persoas transplantadas de medula ósea ou inmersas nun proceso de cancro hematolóxico ou outros tumores, e os seus familiares. Para acadar estes fins, como obxectivos, establece a colaboración en proxectos de investigación contra o cancro, as actividades de información e sensibilización ao conxunto da poboación sobre a importancia de doar medula ósea e proporcionar información, asesoramento e soporte emocional a pacientes con cancro hematolóxico e outros tipos de tumores e as súas familias.

Os obxectivos da asociación ASOTRAME inclúen, polo tanto, o apoio ao paciente e súa familia, poñendo en marcha servizos orientados a complementar o traballo que se realiza dende o sistema sanitario e que busca mellorar a calidade de vida do paciente e do seu entorno, durante o proceso asistencial.

Para tal finalidade organízanse actividades de:

- Asesoramento a pacientes e familiares sobre o proceso e as necesidades de pacientes con transplante de medula ósea.
- Vivenda de estancia temporal para pacientes e familiares.
- Promoción de iniciativas que melloren a calidade de vida de pacientes e coidadores.

E, de modo xenérico, levando a cabo calquera clase de actuacións que sexan conducentes ao mellor logro dos fins fundacionais e á maior eficacia da acción da Asociación.

Por resultar de interese para o Servizo Galego de Saúde o contido dos proxectos da Asociación ASOTRAME, ambas partes, de mutuo acordo, deciden formalizar o presente acordo de colaboración.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de abril de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria,

